



Tužilaštvo/Tužiteljstvo Brčko distrikta Bosne i Hercegovine
Тужилаштво Брчко дистрикта Босне и Херцеговине
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Na osnovu člana 25 Zakona o Tužilaštvu Brčko distrikta Bosne i Hercegovine („Službeni glasnik Brčko distrikta BiH“, broj 19/07), u skladu sa članom Uputstva za izradu planova za rješavanje predmeta ratnih zločina u tužilaštvima, broj: 12-09-3-1540-2/2026 od 07.04.2026. godine, te na osnovu člana 13 i 14 Pravilnika o unutrašnjoj organizaciji i poslovanju Tužilaštva Brčko distrikta Bosne i Hercegovine - prečišćen tekst, broj: A-310/19 od 29.03.2024. godine i Odluke o imenovanju vršilac dužnosti glavnog tužioca Tužilaštva Brčko distrikta Bosne i Hercegovine, broj: 04-07-2-1395-1/2026 od 26.03.2026. godine, vršilac dužnosti glavnog tužioca Tužilaštva Brčko distrikta Bosne i Hercegovine donosi

PLAN ZA RJEŠAVANJE PREDMETA RATNIH ZLOČINA ZA PERIOD 2026-2028 GODINE

Član 1 (Predmet)

Planom za rješavanje predmeta ratnih zločina u Tužilaštvu Brčko distrikta BiH za trogodišnji period 2026 - 2028 godinu (u daljem tekstu: Plan rješavanja predmeta ratnih zločina) utvrđuju se broj i struktura predmeta ratnih zločina u Tužilaštvu Brčko distrikta BiH (u daljem tekstu: Tužilaštvo) na dan 23.04.2026. godine planiranih za rješavanje tokom planskog perioda.

Član 2 (Broj, raspored i dužnosti tužilaca)

(1) Planirano je da na izvršenju Plana rješavanja predmeta ratnih zločina rade dva tužioca i jedna stručna saradnica.

(2) Utvrđuje se obaveza tužiocima zaduženih Planom rješavanja predmeta ratnih zločina da tokom planskog perioda završe predmete obuhvaćene Planom, odnosno pojedinačnim planovima za rješavanje predmeta ratnih zločina koji se na njih odnose za svaku pojedinačnu godinu planskog perioda.

Član 3 (Iskazivanje Plana)

(1) Plan rješavanja predmeta ratnih zločina iskazuje se tabelarnim prikazom ukupnog broja predmeta ratnih zločina sa njihovim oznakama, postupajućim tužiocima i ostalim parametrima iz člana 4. Uputstva za izradu planova za rješavanje predmeta ratnih zločina u tužilaštvima, broj: 12-09-3-1540-2/2026 od 07.04.2026. godine (u daljem tekstu: Uputstvo).

(2) Za prikaz iz stava (1) ovog člana koriste se obrasci 1 i 2 utvrđeni Uputstvom u koje su uneseni podaci o predmetima planiranim za rješavanje tokom planskog perioda 2026-2028.

(3) Izuzetno od stava (2) ovog člana KTNRZ i KTARZ predmeti uneseni u obrazac 2, ukoliko drukčije nije izričito naznačeno, ne predstavljaju predmete planirane za rješavanje, već ukupni prikaz predmeta u radu i radnji koje se planiraju preduzimati u njihovom rješavanju (tabele 2b i 2c).

(4) Ukupan broj KTNRZ i KTRZ predmeta planiran za rješavanje iskazuje se u obrascu 1. u koloni koja se odnosi na svaku pojedinačnu plansku godinu.

Član 4 (Aktivnosti glavnog tužioca)

(1) Vršilac dužnosti glavnog tužioca će vršiti nadzor nad izvršenjem Plana rješavanja predmeta ratnih zločina uvidom u evidencije o predmetima ratnih zločina i preduzimanjem drugih mjera iz svoje nadležnosti.

(2) O stepenu izvršenja Plana rješavanja predmeta ratnih zločina tužioci su dužni izvještavati vršioca dužnosti glavnog tužioca dostavljanjem periodičnih izvještaja i obavještenja relevantnih za preduzimanje mjera iz njegove nadležnosti.

(3) Vršilac dužnosti glavnog tužioca će kontinuirano pratiti realizaciju Plana rješavanja predmeta ratnih zločina i putem Kolegija Tužilaštva i na drugi adekvatan način upoznavati tužioce o ostvarenim rezultatima, te mjerama koje se u tom pravcu imaju preduzeti.

(4) Vršilac dužnosti glavnog tužioca ili novoimenovani glavni tužilac dostavljaju izvještaje o realiziranju Plana rješavanja predmeta ratnih zločina Visokom sudskom i tužilačkom vijeću Bosne i Hercegovine dva puta godišnje, i to za prvih šest mjeseci do 15. juna tekuće godine i za kalendarsku godinu do 15. januara naredne godine.

Član 5 (Stupanje na snagu)

Plan rješavanja predmeta ratnih zločina stupa na snagu danom donošenja.

Broj: A-RZ-07/2026
Brčko, 23.04.2026. godine



**VRŠILAC DUŽNOSTI
GLAVNOG TUŽIOCA**

VLADIMIR TEPAVČEVIĆ

Dostavljeno:

- Visokom sudskom i tužilačkom vijeću BiH;
- Tužiocima Odsjeka za ratne zločine;
- a/a